


Nukissiamik atuineq tamarmiusoq 2003-mi 12,9 pct.-inik qaffariarpoq

Olie-mik benzin-amillu atuineq qaffariarpoq, silaannarmullu kuldioxid-eqarnerulernermik kinguneqarluni – 2003-mi kuldioxideqarnera 2000-mut qaffasinnerpaaffiusimasumut sanilliullugu qaffasitsigilerpoq

*Nukissiamik atuineq
kuldioxid-illu
anneruleriartornera*

Kalaallit Nunaata nukissiamik atuinera 2003-mi 2.688 GWh-voq. 2002-mut sanilliullugu 12,9 pct.-inik qaffasinneruvoq, 2002-mi nukissiamik atuineq tamarmiusoq 2.381 GWh-simammat. Olie-mik benzin-amillu atuineq qaffariarnerpaavoq. Olie-mik atuineq taamaalilluni 2003-mi 16,9 pct.-imik qaffariarpoq, benzin-amillu atuineq 18,8 pct.-imik qaffariarsimalluni. Olie-mik benzin-amillu atuinerulernerit silaannarmi kuldioxid-eqarnerulernernut patsisaaqataapput. 2001-imi 2002-milu silaannarmi kuldioxid-eqarnera appariarsimagaluarpoq, 2003-mili qaffariaqqilluni - tamanna 2000-imi silaannarmi kuldioxid-eqarneranut qaffasinnerpaaffiusumi sanilliullugu naleqqersuuppoq. Kuldioxid-imik atuineq titartakkami ilanngunneqarsimasumi takuneqarsinnaavoq titarnermi talerpillermi.

Nukissiamik atuineq Kuldioxid-eqarneralu silaannarmi 1994-2003, GWh aamma 1.000 ton CO₂



Namminersornerullutik Oqartussat Kyoto-protokol-imut Japan-ip illoqarfiani Kyoto-mi 1997-mi atulersinneqarsimasumut ilaapput. Kyotomi isumaqatigiissut naapertorlugu Kalaallit Nunaat pisussaatitaavoq silaannarmik mingutsitsineq (CO₂) Kalaallit Nunaanni 8 pct.-imik annikillisissallugu kisitsisit 1990-meersut aallaavigalugit. Taamaattorli 2003-imi kuldioxid-imik mingutsitsineq Kalaallit Nunaanni 5,1 pct.-imik qaffassimavoq. Taamaattumik tunngavissaqartutut oqaatigisariaqarpoq pinngortitamut mingutsitsinnginnerusinnaasunik atortorissaaruteqalernissamik takorluuinissaq. Sarfaq atorlugu innaallagissiorfittaartornikkut pinngortitamut mingutsitsineq annikillisaaffigineqarsinnaavoq, illullu oqorsaasorsorluarnerusalernerisigut innaallagis-

samik atuineq annikillisarneqarsinnaavoq. Tamarmik pinngortitamut paarsilluarnerunermik kingunillit.

Saqqummersitaq *"Grønlands energiforbrug 1994-2003"* saqqummersinneqarpoq Namminersornerullutik Oqartussat aningaasatigut ikiortigalugu. Kalaallit Nunaanni nukissamik atuineramik kisitsisinngorlugu paasissutissiineramik saqqummersitaq una kingulliuvoq, naatsorsuusiamik ingerlatitseqqinnissamut aningaasassaarunneq pissutaalluni.

...pdf-fiilitut Tamanna takuneqarsinnaavoq saqqummersitami ***"Grønlands energiforbrug 1994-2003"*** Naatsorsueqqissaartarfiup nittartakkamini www.statgreen.gl -mi saqqummerseqqammigaani. Saqqummersitaq pdf-fiilinngorlugu nittartakkami aaneqarsinnaavoq.

*E-mail-ikkut
pisartagaqalerit* Kisitsisinik nutaanik Naatsorsueqqissaartarfiup saqqummersitaanik tusartinneqartarumaguit uannga nutaarsiassaqtartinneqartalerit: iserfigiuk www.statgreen.gl. Qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaanik saqqummertoqaraangat e-mailikkut nalunaarfigineqartalissaatit.

Paasisaqarusunneruguit tusagassiisartoq Thorkild Knudsen tlf. 34 55 85 (toqqaannar-toq) imaluunniit e-mail thkn@gh.gl saaffiginissinnaavutit.

Ikinngutinnersumik
Inuulluaqqusillunga

Thorkild Knudsen
Tusagassiisartoq